

Ծանուցագիր

Հայտնում ենք Ձեզ, որ համաձայն ՀՀ ոստիկանության <<Ճանապարհային ոստիկանություն>> ծառայության կողմից ստացված օտարված տրանսպորտային միջոցների վերաբերյալ տեղեկությունների Ձեր կողմից 2015 և 2016 թվականի ընթացքում 7 անգամ իրականացվել է սեփականություն հանդիսացող նույն տեսակի գույքի /ավտոմեքենա/ օտարման գործարք:

Համաձայն իրավահարաբերության ծագման պահին գործող <<Ավելացված արժեքի հարկի մասին>> ՀՀ օրենքի 6-րդ հոդվածի 1-ին կետի «բ» ենթակետի՝ Ձեր կողմից իրականացված գործարքը համարվում է ԱԱՀ-ով հարկվող գործարք:

Համաձայն իրավահարաբերության ծագման պահին գործող <<Ավելացված արժեքի հարկի մասին>> ՀՀ օրենքի 33-րդ հոդվածի և <<Ֆիզիկական անձի իրականացված գործարքների մասով ավելացված արժեքի հարկի հաշվարկները ներկայացնելու, գումարների վճարման կարգը և ժամկետները սահմանելու մասին>> ՀՀ կառավարության 15.02.2009թ. թիվ 199-Ն որոշմամբ սահմանված կարգով Ձեր կողմից չի հաշվարկվել ԱԱՀ-ի գումարը, չի ներկայացվել ԱԱՀ-ի հաշվարկ և սահմանված ժամկետում ՀՀ պետական բյուջե չի վճարվել օրենքով սահմանված հարկը:

Հարկային պարտավորությունների հաշվարկման վերաբերյալ տեղեկանքի համաձայն՝ ԱԱՀ-ի գծով քաղաքացի Իգաբելլա Սմբատի Բոյաջյանի չկատարված հարկային պարտավորությունը 25.10.2017թ. դրությամբ կազմել է 4.027.979 դրամ, որից ապառք՝ 1.581.150 դրամ, տույժ՝ 865.679 դրամ, տուգանք՝ 1.581.150 դրամ:

Միաժամանակ տեղեկացնում ենք, որ համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի բ) կետի ՀՀ ՊԵԿ իրավաբանական վարչությունում հարուցվել է վարչական վարույթ՝ վերջինիս չկատարված վերը նշված հարկային պարտավորությունները գանձելու վերաբերյալ ՀՀ Հարկային օրենսգրքի 398 հոդվածի 5-րդ կետով նախատեսված վարչական ակտ ընդունելու նպատակով: Ի կատարումն <<Վարչարարության հիմունքների և վարչական վարույթի մասին>> ՀՀ օրենքի 35-րդ և 38-րդ հոդվածներով վարչական մարմնին վերապահված պարտականությունների՝ առաջարկում ենք սույն ծանուցագիրը ստանալուն հաջորդող 3-րդ աշխատանքային օրը ժամը 11:00-ին ներկայանալ ՀՀ ՊԵԿ իրավաբանական վարչության հարկադիր գանձումների բաժին ք. Երևան, Ս. Դավթի 87Ա, 105 սենյակ հասցեով՝ հարուցված վարչական վարույթի իրականացմանը մասնակցելու կամ ՀՀ ՊԵԿ իրավաբանական վարչություն ներկայացնել վերը նշված վերաբերյալ Ձեր գրավոր բացատրությունները և/կամ/ առարկությունները: Տեղեկացնում ենք նաև, որ վերը նշված հարկային պարտավորությունների կատարումն ապահովելու նպատակով հարկային մարմնի կողմից կարող է կիրառվել Ձեր դրամական միջոցների և գույքի արգելադրում՝ համաձայն ՀՀ հարկային օրենսգրքի 430-րդ հոդվածի:

ՀՀ ՊԵԿ Իրավաբանական վարչության
հարկադիր գանձումների բաժնի գլխավոր մասնագետ



Անի Ենոքյան